



## **CONCELLO DAS PONTES DE GARCÍA RODRÍGUEZ (A CORUÑA)**

Parque Municipal s/n CP 15320 Teléf.981453116 REL 01150709 CIF P1507100D <https://sede.aspontes.org/opencms/gl/index.html>

Expte. núm. 2023/G006/000018

Ref.: SEC

Marina Núñez Orjales, secretaria do Concello das Pontes de García Rodríguez (A Coruña),

### **CERTIFICO:**

Que o Pleno do concello, en sesión ordinaria de data 17/01/2024, acadou, entre outros, o seguinte acordo:

#### **4.- APROBAR A IMPLANTACIÓN DO SISTEMA DE ACTAS AUDIOVISUAIS NO CONCELLO DAS PONTES DE GARCÍA RODRÍGUEZ**

O presidente da sesión da conta do ditame da sesión ordinaria da Comisión Informativa de Axenda Urbana, Turismo, Deportes e Promoción Económica do día 05/01/2024.

No expediente con referencia 2023/G006/000018, consta a proposta que asina a concelleira delegada especial da Área de Cultura, Xuventude, Innovación e Novas Tecnoloxías Lorena Tenreiro Blanco, en data 28/11/2023. Na proposta figuran os antecedentes de feito, con xustificación da necesidade de implantación da acta audiovisual, e os fundamentos de dereito oportunos.

O Pleno do concello, á vista dos antecedentes contidos na proposta e do regulado na Lei 39/2015, do 1 de outubro, e a Lei 40/2015, do 1 de outubro, que xeneralizan o emprego de medios electrónicos; o artigo 52 do texto refundido das disposicións legais vixentes en materia de réxime local, aprobado polo Real decreto legislativo 781/1986, do 18 de abril; o Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais; así como o artigo 2 apartados 1, 2 e 4 do Decreto 24/2018, do 15 de febreiro, sobre os libros de actas e de resolucións das entidades locais galegas, por unanimidade dos concelleiros e concelleiras presentes na sesión, trece, acadou o seguinte acordo:

- 1º) Aprobación a implantación do sistema de actas audiovisuais, de xeito que se incorpore o arquivo audiovisual na elaboración das actas das sesións do Pleno do concello. O ficheiro resultante da gravación, xunto coa certificación expedida pola secretaria da súa autenticidade e integridade, incorporárase á acta da sesión, sen necesidade de facer constar nesta última as deliberacións. Si se incorporarán á acta os rogos e preguntas.
- 2º) A acta en soporte electrónico con incorporación do arquivo audiovisual da sesión será un documento electrónico e multimedia que conterá como mínimo:
  - a. A consignación expresa dos seguintes datos: lugar de reunión, data e hora de inicio e finalización da sesión, indicación do carácter ordinario ou extraordinario, persoas asistentes con expresión dos seus cargos (presidente/a, vogais e demais) e os membros que se escusasen, orde do día, contido dos acordos alcanzados, se for o caso, así como a expresión do sentido do voto dos membros.
  - b. A gravación da sesión cun arquivo de audio e vídeo. Este documento recollerá a literalidade das intervencións.
  - c. Sinatura electrónica: a sinatura electrónica da persoa que exerce a secretaria do órgano, que dota de fe pública e efectos de dereito o documento, e da persoa que exerza a presidencia.



## **CONCELLO DAS PONTES DE GARCÍA RODRÍGUEZ (A CORUÑA)**

Parque Municipal s/n CP 15320 Teléf.981453116 REL 01150709 CIF P1507100D <https://sede.aspontes.org/opencms/gl/index.html>

**Expte. núm. 2023/G006/000018**

**Ref.: SEC**

O contido íntegro do vídeo da sesión, xunto coa acta e orde do día poderá ser visualizado en calquera momento pola cidadanía na sede electrónica do concello das Pontes, na dirección [sede.aspontes.org](https://sede.aspontes.org). Asemade, en aras de garantir unha maior participación cidadá o concello poderá retransmitir, en directo u diferido, as sesións do Pleno a través da páxina web municipal ou por outro medio de comunicación.

As actas almacenaranse en formato electrónico nos sistemas que soportan a tramitación electrónica do concello das Pontes.

3º) Publicar este acordo no taboleiro de edictos municipal e no portal de transparencia a efectos do seu público coñecemento.

Expido este certificado para que conste no citado expediente, coa salvidade prevista no artigo 206 do Real decreto 2568/1986, de 28 de novembro, de organización, funcionamento e réxime xurídico das entidades locais, co visto e prace da concelleira delegada da Área de Cultura, Xuventude, Innovación e Novas Tecnoloxías.

As Pontes de García Rodríguez, na data da sinatura dixital

A secretaria

A concelleira-delegada (V.e Pr.)

Lorena Tenreiro Blanco